

FISY TEKNIKA BASKET COMPOST

VOKATRA BETSAKA AMIN'NY VELARAN-TANY KELY

TANJONA

Ny teknikan'ny « basket compost » dia fanatsarana ny fitombon'ny vokatra azo amin'ny alalan'ny fanatobiana ireo akora organika ao anaty lavaka ambolena ny kazaha.

MAMPITOMBO NY VOKATRA

Ny vokatra azo avy amin'ny fototra kazaha baskety kaomposta iray dia mitovy amin'ny vokatra azo avy amin'ny fototra kazaha 10-15 amin'ny voly mahazatra.

VOLENA AMIN'NY KARAZA-TANY

Ny fampiasana ny akora organika sy ny fiasana lalina ny nontany dia ahafahana mamboly voly mamody na dia amin'ny tany ratsy aza.

MAMBOLY AMIN'NY VELARAN-TANY

Io teknika io dia mety amin'ny Mpamboly manana olana ara-tany nefa mila mamokatra be amin'ny velaran-tany voafetra.



FAHASAROTANA

Ny teknika dia ahafahana mampitombo in-telo avo heny ny vokatra, saingy misy fepetra roa lehibe takiany

FANANANA ZEZIKA

Ny fepetra voalohany dia fananana akora voajanahary (matiera organika) ampy :

- ✓ Ahitra maina: sasangotra, ahitra avy nisotroina,...
- ✓ Ahitra lina : ravina Tanamasoandro, Via, Menga, Laloasy, Tsingitritry, Longoza, voandelaka
- ✓ Zezika avy amin'ny biby.
- ✓ Tany masaka : tany mainty ambodi- kafe, anaty ala



FOTOANA LANY AMIN'NY ASA

Ny fambolena kazaha baskety kaomposta dia mandany fotoana sy be asa

- 1) Ny fandavahana: 10-15 lavaka isanandro eo ho eo no vitan'ny olona iray.
- 2) Ny fakana sy ny fanomanana akora organika : mandany iray andro ny fanangonana, fitanterana sy ny fitetehana ny akora maina sy ny ravina maitso ary koa ny zezika ho an'ny lavaka folo.
- 3) Ny fanotofana no tena asa malaky: mandany iray ora eo ho an'ny 10 lavaka, raha ohatra ka efa vita mialoha ny fitaomana sy ny fanetitetehana ny akora organika.
- 4) Ny fiavana: indray mandeha isaky ny 3 volana no miava arakaraka ny fitsirian'ny ahitra.

DINGANA TEKNIKA

FISAFIDIANANA NY TOERANA

Maromaro ny fomba azo atao hisafidianana ny toeram-pambolena:

- ✓ **Mora ahitana ireo karazana akora organika** mba hamerana ny fotoana lany amin'ny fanangonana sy ny fitanterana azy.
- ✓ **Toerana voaaro amin'ny rivotra mafy** : Ny kazaha atao teknika dia avo ny tahony, ary mety ho mora simban'ny rivotra. Tsara kokoa raha toerana tsy dia azon-drivotra loatra.
- ✓ **Toerana mora maina, tsy mora azon'ny tondra-drano** mba hialàna amin'ny fahalovan'ny isin'ny kazaha sy ny fahaverezan'ny tsiron-tany. Raha mamboly an-tampon-tanety dia tokony hanao aro riaka (canal) eny ambonin'ny toeram-pambolena mba hanamora ny fanariana ny ranovohitra.
- ✓ **Toerana tsy azon'ny omby na ny kisoa**: ny fandalovan'ny omby na ny kisoa amin'ny toeram-pambolena dia mety hanimba ny voly ka hampisy fiatraikany ratsy amin'ny vokatra. Ho an'ny toerana amoron-dalana dia tsy maintsy asiana fehy.

NY FANAOVANA TSATOKA SY LAVAKA

✓ **NY TSATOKA**

Ny elanelan'ny tsatoka izay anaovana ny lavaka dia 1, 50m.

Ny elanelana amin'ny laharana roa dia 1,50m ka azo atao dia-panorona.

Asiana tsatoka eo afovoany lavaka.

✓ **NY LAVAKA**

NY torohevitra amin'ny refin'ny lavaka dia toy izao :

Ho an'ny kazaha : 3 zehy x 3 zehy ary 2 zehy ny halaliny.

NY vody mangahazo dia misandrahaka ka tsy misy dikany ny anaovana lavaka lalina mihoatra ny 2 zehy.

Ho an'ny ovy ala: 2 zehy x 2 zehy ary 3 zehy ny halaliny.

Ny vodiny ovy ala dia afaka miletika lalina ka mendrika ny anaovana lavaka lalina.



Amin'ny fotoana fandavahana dia sarahana ny tany ambony (mainty sy lonaka) sy ny tany anatin'ny (tany mena na manta) izay aseho amin'ny sary etsy ambony. Ny tantsaha sasany dia tiany kokoa ny manao lavaka vao maraina alohan'ny hanaovany asa mahazatra.

FANOTOFANA

Ny baskety kaomposta dia ahafahana manao toerana tsara sy lonaka ka ahafahan'ny voly mitombo tsara. Maro ny fomba azo atao hanaovana ny taharo. Ny toro-hevitra avy amin' INTER AIDE dia ireto manaraka ireto:

- 5 Lavahana kely eo ampovoan'ny dongona ka asiana zezika kaomposta iray raotra tanana



- 1 Fenoina ahitra maina ny antsasaky ny lavaka. Hitsahina tsara amin'ny tongotra



- 4 Totofana tany masaka amin'izay ny lavaka ka atao midongodongona izany.



- 3 Asiana zezika na tain'omby masaka eo amin'ny 0,5 njehy



- 2 Asiana akora maintso voatapatapaka madinika eo amin'ny 10cm. Raha madinika ny tapaka dia malaky kokoa ny fahalovana. Ampifangaroana ny ravina lavalava sy ny ravina boribory.





Ireo avy ny karazana akora
maitso azo ampiasaina amin'ny
basket compost:
1) Laloasy; 2) Tsingitritry;
3) Tanamasoandro; 4) Grevillea;
5) Menga; 6) Viha

FISAFIDIANANA NY TAHO

NY taho-mangahazo dia mihitsan-dravina eo amin'ny fotoana fiotazana. Noho izany dia fidiana amin'ny taho mbola misy ravina ny hazo mitondra ravina salama , tsy mihoritroritra , tsy tratrin'ny aretina Mozaika. Ny hazo salama dia asiana marika amin'ny tady kely na plastika eo amin'ny fototra mba hanamora ny famantarana azy eo amin'ny fotoana fiotazana.

Taho misy masony 5-7 eo amin'ny 1 zehy eo ho eo, izay hita amin'ny sary etsy ankila.



NY FAMBOLENA

Tsara raha miandry 1 volana aoriany fanomanana ny fambolena, mba tsy ahafaty taho mandritry ny fahalovan'ireo akora satria miteraka hafanana izany akora ary mety hamono ny vahatra vaovao.

Hitsahina hifatratra tsara ny tany manodidina ny dongona mba tsy ho tafiditry ny rano.

Asitrika amin'ny tanana eo amin'ny dongona ny taho, ka asiana 0,5 zehy miseho eo ambony ary totofana sy tsindriana tsara ny manodidina ny taho mba hisoroana ny fidiran'ny rano.

NY FIKARAKARANA NY TANIMBOLY SY NY VOLY

- ✓ **Taho iray ihany no ilaina:** rehefa manana halava 1,5 zehy ny tsiry dia fidiana ny tsiry matanjaka, ary esorina ny sisa. Tandremo anefa sao lanin'ny omby ka mety hanimba ny tsiry tavela. Totofana tsara ny fototry ny voly
- ✓ **Fiavana :** Avaina in-dray na in-droa mandritra ny 12 volana, arakaraka ny fitomboan'ny mangahazo sy ny fitsirin'ny ahi-dratsy.



NY FIOTAZANA

Mba ahafahana manamarina tsara ny fiasan'ireo akora sy zezika organika izay nentina, dia tokony afaka 10-12 volona ny voly izay vao otazana. Arakaraka ny karazana doria ihany anefa no mametra ny fihotazana. Ny fototra mangahazo iray natao teknika dia ahazoana vokatra 5 ka atramin'ny 25 kg.



VINAVINA MIALOHA MBA AHAZOANA AKORA ORGANIKA

✓ **Fefy maniry :**

Fambolena zava-maniry azo atao fefy manodidina ny tany ho volena, izay misy karazany maro toy ny: Amberivatry, menga, Tithonia, Crotalaria.

Ny fefy maniry dia manana asany maro satria mampitombo ny vokatra sy miaro ny fambolena amin'ny rivotra, tondra-drano, biby fiompy mpanimba voly....

✓ **Fambolena voly rakotra mifanakaiky amin'ny toeram-pambolena**

Mba hanamora ny fahazoana akora organika sy ny fitaterana azy dia ilaina ny fambolena voly rakotra toy ny « bracharia, stylosanthes » mifanila tany fambolena kazaha izay heverina hametrahana ny valan-jezika (compost).

VOLY AZO ATAO MIARAKA

Ovy, bokala, tsako, legioma toy ny (voanjo bory, voemba...) izay fanao matetika miaraka amin'ny kazaha.

Tsara raha iray volana mialoha ny ambolena kazaha no ambolena ny bokala na tsaramaso izay ampiarahana aminy ; izany hoe amin'ny fotoana anomanana ny lavaka.

Ireo voly ireo dia mora mitombo ary mandrakotra ny tany volena mialohan'ny hitombon'ny kazaha mba tsy anomezany aloka be loatra eo amin'ny fivelarany.

Tsara marihina nefa fa ny fisafidianana ny voly ampiarahana amin'ny voly kazaha dia mila mifanaraka amin'ny toetr'andro sy ny taom-pambolena (andro maina na manorana)